

جریدہ عدلیہ

آلہجی سنہ

۲۰ رمضان ۱۳۳۳ ۲۰ تموز ۱۳۳۱

نومرو ۱۳۶

بازار ایتسی

قِسْمَتِ عَدْلِیَّہ

نوبہرات عدلیہ

ازمیر و بیروت و حلب تجارت محاکمی اعضا و اعضا ملازمینک عنوان مأموریتلری اقسامندن بولندقلری یدایت محاکمی اعضا و اعضا ملازمینک تبدیل اولنمشدر .

بوارادہ سنہ نک اجراسنہ عدلیہ ناظری مأمورددر . ۲۰ رمضان سنہ ۳۳۳ و ۲۰ تموز سنہ ۳۳۱

محمد رشاد

صدر اعظم
محمد سعید

عدلیہ ناظری
ابراہیم

قوانینہ و نظامات

ذات شوکتسمات حضرت خلافتناہینک اعادہ عافیتلری مناسبتیلہ مدت جزائیہلرینک

ثلثانی اکیال ایدن محکومینک عفوی حقندہ قانون موقت صورتیدر

مادہ : ۱ هتك عرض و فعل شنیعدن ماعدا جنایت و جنحه افعالندن طولانی محکوم اولوبده اشبو قانونک تاریخ نشرندہ مدت جزائیہلرینک ثلاثی اکیال ایتمش بولنالرک مدت متبایہ جزائیہلری عفواولنمشدر .

ماده : ٢ اعدام ايله ويا اعدامه بدل كورك جزاسيله محكوم ايديلن وياخود عدامه محكوم ايكن جزاسى كوركه تحويل اولنان اشخاص اشبو قانوندن استفاده ايده مزلر .

ماده : ٣ اشبو قانون تاريخ نشرندن معتبردر

ماده : ٤ اشبو قانونك اجراسنه حربه وعدليه ناظرلرى مأموردر .

مجلس عموميك اجتماعنده قانونيتى تكليف اولمق اوزره اشبو لايحه قانونيه نك موقتاً موقع مرعيتيه وضعى و قوانين دولته علاوه سنى اراده ايلدم .

١٨ ل شعبان ١٣٣٣ و ١٨ ل حزينان ١٣٣١

محمد رشاد

عدليه ناظرى	حربه ناظرى	صدر اعظم
ابراهيم	انور	محمد سعيد

حدود قبوليله دمير يولى موقفلرنده واسكاه لرده امنيت مفتشلى تشكيلات

ووظائفنه دائر نظامنامه

برنجى ماده : ممالك عثمانيه دن ممالك اجنبيه و ممالك اجنبيه دن ممالك عثمانيه يه كيدوب كلنلك مرورى ايچون تعيين اولنان حدود قبوليله دمير يولى موقفلرنده واسكاه لرده طوغريدن طوغرى يه داخله نظارتنه مربوط اولمق اوزره امنيت مفتشلكلى تشكىل ايدلمشدر . هر مفتشلكده برمفتش ايله ايجاب ايدن محللرده بر معاون بولنور .

ايكنجى ماده : امنيت مفتشلى نك منطقه مأموريتلى دمير يولى يولچيلرينه مخصوص حدود موقفلرنده موقف ومشملاقى ايله صوك مقاصلر دخی داخل اولدينى حالده خطلك اشغال ايتديكى ساحه يه ودمير يولى كذركاھى اوليان حدو قبولرنده پساپورط وكمر مكاملاتنه تخصیص وبر پارمقلق ايله تفريق ايديلن منطقه يه منحصر واسكاه لرده يولچى اسكاه لرى ايله سالونلرينك پارمقلقه وياديكر صورتله تحديد ايدلش اولان ساحه دن عبارتدر . مفتش اشبو منطقه لرده محافظه انتظام ايچون تدابير مقتضيه يي اتخاذ وبر جرم وقوعنده مأمورين محليه نك ورودينه دكين ضابطه عدليه يه متفرع وظائفى ايفا ايدرلر .

اوچنجى ماده : پساپورط قانوننك تطبيق احكامى ويولچيلرك تدقيق احوالى امنيت مفتشلكى تشكيلاتى اولان يرلرده امنيت مفتشلى نك وامنيت تشكيلاتى موجود اوليان يرلرده محلى ضابطه سنه مودوعدر .

دردنجى ماده : بالعموم دمير يولى قطارلرنده مستخدم سيار پوليس قوميسر وقوميسر معاونلرى وپوليس مأمورلرى امنيت مفتشلى نك مربوطدر .

بشنجى ماده : امنيت مفتش معاونلريه مفتشلك نرندنه مستخدم استطلاعات و پساپورط مأمورلرى ، پوليس قوميسر وقوميسر معاونلرى وپوليس مأمورلرى وظائف مأموره لرندن طولاي مفتشه قارشى مسؤل ومفتشك احكام قانونيه ونظاميه مستند اوامرى نفاذ واجرا ايله مكلفدرلر .

آلنجى ماده : امنيت مفتشلى وظيفه لرينه متعلق بالمله اموره داخله نظارتنك امنيت عموميه شعبه سيله مخبره ايدرلر . پوليس امورينه تعلق ايدن مواد ايله وظائف اصله لرينه تماس ايله ين ديكر خصوصات حقنده ايجاب ايدن مأمورين ملكيه وعسكريه ايله ده مخبره ايده بيلورلر .

يدنجى ماده : دمير يولى موقف سر مأمورلرى و واپور شركتلرينك آجته لرى قطارلر ايله واپورلرك وقت مواصلت وحركتلرينى وبو بابده وقوع بوله جق تبدلات وتأخراتى امنيت مفتشلى نك اوليان محللرده بو وظيفه يي ايفا ايدن محلى ضابطه سنه وقت وزمانيله بيلديركمكه مجبوردرلر .

سكزنجى ماده : دمير يولى مأمورين ومستخدمينى ايله واپور قبودانلرى ايفاي وظيفه ائناسنده مطلع اوله جقلى مخالف قانون احوالى ويولچيلرك جالب اشتباه حركاتى وآسايش مملكته آز چوق تعلق اولان بالمله مسوعات ومحسوساتلرينى مفتشله اخباره مجبوردرلر .

طقوزنجى ماده : رسومات وپوسته وتلغراف مأمورلريه ديون عموميه ورژى ودمير يولى اداره لرى مأمورين ومستخدمينى امنيت مفتشلى طرفندن وظيفه لرينه عائد معاملاتدن طولاي مراجعت وقوعنده معاونت واتسيلات ممكنه ايفاسيله مكلفدرلر . يولچيله عائد اشيا اولجه معاينه دن كچمش اولسه دخی امنيت مفتشلى نك حس اوله جق لزوم اوزرينه رسومات مأمورلرى آنلرى بالذات مفتشك وياطرفندن منتخب مأمورك مواجهه سنده معاينه ايده جكلردر .

اوتنجى ماده : رسومات مأمورلرى اذخال واخراجى منع ايديلن موادى امنيت مفتشله تحريراً بيلديره جكلردر . اون برنجى ماده : ممالك عثمانيه يه اذخالى منع ايديلن غزته وسائر اوراق مطبوعه ايله اسباب سياسيه ويا آداب واخلاق عموميه يه مغاير اولديغندن طولاي داخل مملكتده فروختى منع ايديلن الواح وتصاويرك يولچيلر نرندنه ظهورى حالده رسومات مأمورلرى كيفيتى درحال امنيت مفتشله اخباره مجبوردرلر .

اون ايكنجى ماده : اشياى ذاتيه وتجاريه مياننده اسلحه منوعه ومواد مشتله وانفلاقه ظهورنده كمرك مأمورلرى درعقب مفتشه معلومات ويره جكله والده ايده جكلرى بو قبيل اسلحه واقسامى ايله مواد مشتله يي معامله قانونيه سى بالاخره ايفا ايدلك اوزره مقبوض مقابلنده مفتشه تسليم ايله جكلردر . بوندن بشقه ارباب صنايع وتجارت طرفلرندن رخصت رسميه ومساعدۀ قانونيه استناداً جلب واذخال اولنان اسلحه غيرمنوعه نك عدد وانواعنى ونه وقت نرهدن كيملر نامنه كلوب نره يه سوق اولنديغنى دخی تحريراً بيلديره جكلردر .

اون اوچنجى ماده : اشبو نظامنامه تاريخ نشرندن معتبردر .

اون دردنجی ماده : بو نظامنامه نك اجرای احکامنه داخله ناظری مأمورد .
اشبو لایحه نظامیه نك موقع مرعیه ونظامات دولته علاوه سنی اراده ایلدم .

۲۲ شعبان سنه ۱۳۳۳ ل ۲۲ حزیران سنه ۱۳۳۱

محررین

حریبه ناظری و بحریه ناظر وکیل	شیخ الاسلام و اوقاف هایون ناظری	صدراعظم و خارجیه ناظری
انور		محمد سعید
نافعه ناظری	عدلیه ناظری و شورای دولت رئیس وکیل	داخلیه ناظری و مالیه ناظر وکیل
عباس	ابراهیم	طلعت
تجارت و زراعت ناظری	معارف ناظری و پوسته و تلفون ناظر وکیل	
احمد نسیمی	احمد شکری	

تبلغات عجمیه

عدلیه نظارت مجلیه سنه نسطیر اولنامه ۸ نومز ۳۳۱ تاریخلی خبرات عجمیه صورتبیر

« بر جرمك كشف آثارى ضمنده محل حادثیه كونه رله جك مأمورین عدلیه به
ویریلن خرج راه مذکره لرینك تمغا پولندن استثناسنه داتر »

بر جرمك كشف آثارى ضمنده محل حادثیه اعزام ایدیه جك اولان مأمورین عدلیه به اعطاسی لازم
كلن خرج راهلك تقدیری ضمنده ویریه جك مذکره لر تمغا پولی الصاقی لازم كلوب کلیه جکی و تفرعاتی
حقنده مالیه نظارت جلیله سنه سبق ایدن اشعاره جواباً وارد اولان تذکرده تحقیقات اجراسنه مأمور
اولانلره محکمه نك تقدیری اوزرینه ویریه جك خرج راهلر مأمور مكلف طرفندن تماماً ماضع لهنه صرف
اولمش و بالتیجه آندن هیچ بر صورتله شخصاً انتفاع ایدلمه مش ایسه مصارف حقیقه دن معدود اوله جفندن
اشبو مصارف ضروریه نك تسویه سی ضمنده مأمور مكلفجه تنظیم ایدیلن مذکره لر تمغا قانوننك یکر می یدنجی
ماده سنك بر نومرولی فقره سی موجبجه رسم تمغادن معفو و عكس تقدیرده مصارف غیر حقیقه دن معدود
اولدیغندن تمغا پولنه تابع بولندی و مأمور مكلف آمرلی طرفندن ویریلن مذکره لر ایله محاکمه نك
ائناى رؤیتده اعزامنه قرار ویریلن مأمورینك مصارف ضروریه سی حقنده محکمه جه اتخاذ ایدیلن قرارلر
دخی کذالك تمغا قانونی معافیات فصلنك برنجی بندینه توفیقاً پولدن مستثنا بولندی دیون عمومیه قومیسر لکندن

اشعار قلندی و صورت اشعار موافق قانون کوردلیکی بیانیله اكا کوره ایجاب ایدنلره تبلیغات اجرایی
بیلدیرلش اولدی و محاسبه دن افاده قلمغله اولوجهله ایفای مقتضای ضمنده اشبو تحریراتك نسخ مطبوعه
کافی سی لفا ارسال قلندی .

محکمہ تمیز مقرراتی

محکمہ تمیز مقرراتی

محکمہ تمیز مقرراتی صادر اولوب ۷ مزبانه ۳۳۱ تاریخنجه قراره بطاولنامه اعلام صورتبیر :

« جیرونك مواضعه اولمادینی حقنده تحلیفك لزومنه و اجراسنه قرار ویرلش ایکن
یمینك مؤخرآ تبدیلی ایله معترض علیك مواضعه طریقله جیرو ایدلدیکنی بیلمه دیکی
شککنه افراغ ایدلسی مخالف قانوندره . »

حلبك علبه جی خاننده مقیم تجاردن خواجه یوسف انتوان اسود ایله مرعش قصبه سنده مقیمون بیازید
زاده کنعان بك ونظر الکسانیان و مغردیچ کره جیان میانه سنده متکون دعوايه داتر حلب تجارت محکمه سندن
۷ شباط سنه ۳۳۰ تاریخی و یوز ایکی عددیه ویریلوب مرقوم خواجه یوسف طرفندن تمیزاً تدقیق استدعا
قلنان اعلام طرفینك اعتراض و جواب لایحه لرله برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً : مرقوم خواجه یوسف امره محرر بر قطعه قامیال موجبجه مومی الهم
کنعان بك و رفقاسی ذمنده الاجنی بولنان ایکی یوز عدد عثمانلی آلتوننك تحصیلی حقنده اقامه ایتدیکی
دعوی اوزرینه استحصال ایدیکی اعلام غیابی حکمنه محکوم علیهم کنعان بك و رفقاسنك عدم قناعتله
عندالاعتراض مستند ادعا اولان سنك مزبور خواجه یوسف نزدنده مواضعه طریقله موجود بولندیغندن
و فقط بوجهی اثباتدن عاجز اولدقلرندن بحثله مذکور سنك بوصورتله یدنده بولمادیغنه داتر مرقوم خواجه
یوسفك اجرای تحلیفی طلب و دعوی ایللری اوزرینه محکمه جه مزبور خواجه یوسفك بوجهله اجرای
تحلیفی قرار کیر اولسنی متعاقب معترض علیه خواجه یوسف وکیل موکلنك بوخصوصه دردنجی جرانت
بولمنسی حسیله تحلیفی اقتضا ایتیه جکنی و مذکور سند موکلنه نیکو غوص عجمیاندن حساب صورتیه کچمش
اولدیغندن حقیقت حال میدانه چقمق اوزره مرقوم عجمیانکده داخل دعوی ایدلسی لازم کله جکنی بیان
وادعا ایللرندن ناشی محکمه جه کیفیت بالتذکر : مستند ادعا اولان سنك حامل حقیقیسندن حامل اول

بولان ابراهام جورجیانه مواضعه طریقله جیرو ایدلیکنی بیلمدیکنه دائر مزبور خواجه یوسفک اجرای تحلیفی تقرر ایتدکن صوکره جریان ایدن محاکمه و تدقیقات نتیجه سنده مرقوم یوسفک شکل اخیرا وزیرینه اجرای تحلیفی ضمننده محاکمه نك تعیین اولندی کون وقوع بولان دعوته اجابت ایتامش وشو حال یمندن نکولی متضمن بولنش اولدینی بیانیه اعلام معترض بهک جرح وابطالنه ومعتضله قارشو معارضه سنک منعه حکم وقرار ویرلدیکی اکلاشلمشدر .

مستدعی تمیز طرفندن ویریلان لایحه ده مذکور سندک حامل اولی ايله حامل ثانی ارده سنده اجرا قلنان جیرو حقه ده موضعه اولوب اولمادی کندی سنک مجهولی بولنسندن طولای اجرای تحلیفی لازم کلز ایکن بوجهتک نظر دفته آلتامسی مخالف قانون اولدیغندن واسباب سائرده دن بجهتک اعلامک تقضی ولایحه جوابیه ده دخی اعتراضات مسروده نك غیر وارد بولندی بیانیله ردی وموافق اصول وقانون اولان اعلام مذکورک تصدیقی طلب واستدعا ایدیشدر .

ایجاب کیفیت مذاکره اولدقده : خصوص مدعی هر نه قدر بوجه مشروح حکم وقراره ربط اولنش ایسه ده حامل اخیر اولان معترض علیهک منتظم جیرو ايله مدعی به قامیسال بدلنی طلب ودعوی ایلدیکی ومعترض طرفندن معترض علیهک حامل حقیقی اولمادی ادا قلندی صورتده معترض علیه مرقومک انجق مذکور جیرونک مواضعه اولمادی حقه ده امر تحلیفی اجرا قلنمق لازم کلوب محکمه جده ده اول صورته یمین توجیهه قرار ویرلش ایکن شکل یمینک مؤخرأ بالتبدیل مذکور سندک حامل حقیقیسندن حامل اول ابراهام جورجیانه مواضعه طریقله جیرو ایدلیکنی معترض علیهک بیلمدیکی شکله افراغ ایدلمسی وشو یمینک قبول واجراسندن امتناعک حکم غیابینک جرح وابطالنه سبب اتخاذ قلنمسی مخالف قانون اولدیغندن اصول محاکمه حقوقیه قانوننک ایکی یوز اوتوز ایکنجی وایکیوز قرق برنجی ماده لری اعلام مذکورک تقضیه قانون مزبورک ایکی یوز قرق دردنجی ماده سی حکمنه توفیقأ کیفیتک وجه مشروح دائره سنده بالرؤیه اعلامه ربطی ضمننده محکمه مذکوریه اعاده سنه وزیرده مفردات ومعطیسی محرر مصارف تمیزی نه نک ایلروده حقسنز حقه جق طرفه عائد اولسنه ۷ حزیران ۳۳۱ تاریخنده متفقأ قرار ویرلدی .

محکمه تمیز مقرره دائره سنده صادر اولوب ۸ مزیرانه ۳۳۱ تاریخنده قراره ربط اولنانه اعلام صورنیر .

« مدعی علیهک مدعینک کندی سنه ویره سی به مال صامه یه اذن ویردیکنه دائر اولان ادعاسی بینه تحریریه ايله اثبات ایده مدیکی تقدیرده بالطلب توجیه ایدله جک یمین ايله حل مسأله لازمدر . »

ازمیرده بوجه قریه سنده مقیمان قسطی استا طور ی واوغلی پنانی استا طور ی ايله ازمیرده مکر جاده سنده طور اراق تیه ده ساکن تجارتدن پنا یوط ونطوراتو بیننده متحدث دعوا یه دائر آیدین ولایتی استیناف محکمه سندن

۲۹ مارت سنه ۳۳۱ تاریخی وایکی عددی ايله ویریلوب مرقومان قسطی وپنانی طرفندن تمیزأ تدقیق استدعا قلنان اعلام طرفینک اعتراض وجواب لایحه لریله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجانه نظراً مرقوم پنا یوط ونطوراتو مرقوماندن قسطی کفالتیه مغازه سنده اموال تجاریه سی صامق اوزره استخدام ایتدیکی پنانینک خلاف مأذونیت ویره سیه مال صامسندن طولای ذمتنه رایج اچقه اون اوچیک طقوز یوز سکسان بر غروش اوتوز پاره ترتب ایتش اولدیغندن بجهتک مبلغ مذبورک مع فائض اصالت و کفالتی حسیله هر ایکسندن تحصیلی طلب ودعوی وبر قطعه تعهدنامه ابراز واعطا ایتسنه قارشو مدعی علمه مان پنانی ویره سیه مال صامسی ایچون مدعینک رضا وموافق بولندی وکندی سنک برکونا ذمتی بولندیغنی ومع مافیه مدعی به هرکونه اچینی طولای سیله کفالت معتبره دخی آرائه ایتش اولدیغنی وکفیل قسطی دخی اول امرده مدعینک مدیون علیه اقامه دعوی ايله حکم استحصال وغندالاجرا مدیون اصلک ادای دینه عدم اقتداری تبین ایتدکجه کفیله مراجعت ایده میه جکنه وبناء علیه مدعی ايله مکفول غنه بیننده رؤیت ایدیلان حسابک کندی حضورنده دخی رؤیتی مقتضی بولندیغنه مبنی مدعینک غیر وارد اولان دعواسنک ردینی مدافعه آنبا ایتلری اوزرینه جریان ایدن محاکمه و تدقیقات نتیجه سنده بر منوال محرر مدعی طرفندن ابراز ایدیلان بر قطعه تعهد نامه مندرجانه نظراً مدعی علمه مان پنانینک هیچ بر کیسه یه ویره سیه دقیق صامغه حق اولدیغنی و ویره سیه صامش اوله جنی دقیق مقداری اتمانندن مجله نك بیک درتیوز طقسان سکزنجی ماده سی موجبجه مرقوم پنانینک مسؤولیتی بدیهی بولندی کجی بو اساس اوزرینه طرفین بیننده کوریلان محاسبه نتیجه سنده ویره سیه صاتیلان اموال اثمائی دخی تعین وتحقق ایدرک نتیجه سی مدعی علیه مرقومک اقرار بالکتابه سنه اقتران ایتش و کفالت واقعه دخی برکونا شرطه معلق بولنماش اولغله مبلغ مدعی به رایج اچقه اون اوچیک طقوز یوز سکسان بر غروش اوتوز پاره نك فائضیه برابر مدعی علمه مان بالتحصیل مدعی به اعطاسنه دائر از میر تجارت محکمه سندن صادر اولان اعلامک عندالاستیناف تصدیقی یولنده اعطا اولنان اعلامک مقدما تمیزأ بالتدقیق مدعی علیه ویره سیه صامغه مدعینک کندی سنه اذن ویردیکنی بیان ایتش اولدیغنه وبوجهتک سندات ايله حل قابل اوله مدینی تقدیرده مدعی به بالطلب توجیه ایدله جک یمین ايله حل مسئله ایدملک ایجاب ایدرکن ایدلامسنک قانونه مخالفتندن طولای نقض واعاده اولنسی اوزرینه محکمه تمیز قرارینه بالاتباع تکرار اجرا قلنان محاکمه و تدقیقات نتیجه سنده اساس دعوی وکیل بالیع اولان مستأفلردن پنانینک خلاف صلاحیت ومأذونیت حرکتندن طولای عزل ایدله رک رؤیت محاسبه نتیجه سنده تحق ایدن اون اوچیک کسور غروش ذمتنک کفیلی قسطی ايله معاً تحصیلی طلبندن عبارت اولسنه ومدعی علمه مان پنانی مبلغ مدعی بهی اقرار بالکتابه سیله اقرار ایلدیکی حالده عندالحاکمه مدعینک اذن واجازیتله بعض کسانه ویره سیه صامدیغنی اموالک بدلنی استیفای ایده مدیکنه متدائر مرقومک دفعأ درمیان ایتدیکی ادعاسی اوزرینه صاتیلان اشیانک مقدار وجنسی وکیملرک ذمتنده ثمن میعدن نه مقدار مبلغ قالدینی تصریح و بیان ایدلمدیکی کجی تصحیح وتوضیحدن

دخی اظهار عجز اولمنسه ورؤیت محاسبه نتیجه سنده مبلغ مدعی بهک پنانینک ذمتنه ترتب ایلدیکی کبی کفیل مرقوم قسطنینک کفالتی منجزه اولوب بر کونه شرطه معلق اولماسنه بناءً مجله نك التیوز اوتوز بشنجی و بیك التیوز اوتجی و بیك التی یوز اوتوز بشنجی و اصول محاکمه حقوقیه قانوننك یوز اون ایکنجی و یوز اوتوز سکزننجی ماده لری احکامنه توفیقاً مبلغ مدعی به رایج اچقه اون اوچیک طقوز یوز سکسان برغروش اوتوز پاره نك تاریخ استدعا دن اعتباراً حین تحصیلنه دکی مع فائض بحسب الاصاله والکفاله مرقومان پنانی وقسطیدن بالتحصیل مدعی مرقومه اعطاسنه حکم وقرار ویرلدیکی آکلاشلمشدر.

مستدعیلرک اعطا ایلدکلی لایحه اعتراضیه ده بو کره اجرا ایدیلان محاکمه تمیز قرارینه اتباع ایدلمش ایسه ده مقدما عندالتمیز کوستریلان اسباب نقضیه دائره سنده مدعی به بالطلب توجه ایدن یمینک اجراسیله حل مسئله ایدلمک و بعدالتحلیف صاتیلان دققلر مثلیاتدن اولدینی جهتله مثلاً تحصیلی یولنده قرار ویرلمک لازم کلورکن محکمه مذکورجه بو دائره ده اجرای معامله ایدلماسی یولسز و مغایر قانون اولدیغندن بختله اعلام مذکورک نقضی وجواب لایحه سنده ده غیر وارد اولان اعتراضاتک ردیه موافق اصول وقانون اولان اعلامک تصدیق طلب واستدعا اولمشدر .

ایجابی مذاکره اولندقدنه هر نه قدر محکمه جه خصوص مدعی بروجه محرر تحت فراره النمش ایسه ده مقدما جریان ایدن تدقیقات تمیزییه نتیجه سنده مدعی علیک مدعینک کندوسنه ویره سیه مال صامغه اذن ویردیکنه دائر اولان ادعاسی بینه تحریریله ایله اثبات ایده مدیکی تقدیرده بالطلب توجه ایدیلجه ک یمین ایله حل مسئله اولنماسی کیفیتی سبب نقض اولق اوزره ارائه ایدلمش اولدینی حالده بو جهت حقنده تدقیقات ومعاملات مقتضیه اجرا ایدلماش اولدینی کبی مدعی علیک دعوی مذکورسی ثابت اوله مدینی حالده مدعی به مدعی علیک ویره سیه صاتیلینی اموالک نوع و جنس ووصفی و مقداری تعیین ایتدیرلمک وایده مدیکی صورنده دعواسنک ردینه قرار ویرلمک مقتضی ایکن بو یولده ایفای معامله اولنمسیزین حکم ویرلسی مخالف قانون اولدیغندن اصول محاکمه حقوقیه قانوننك ایکوز اوتوز ایکنجی وایکیوز قرق برنجی ماده لری احکامنه توفیقاً اعلام مذکورک نقضیه قانون مزبورک ایکوز قرق دردنخی ماده سی موجبجه کیفیتک بالروئییه اعلامه ربطی ضمننده محکمه مذکوریه اعاده سنه ویزرده مفردات و معطیسی کوستریلان مصارف تمیزییه نك ایلروده حقسز چیقه جق طرفه عائد اولمنسه ۸ حزیران ۳۳۱ تاریخنده متفقاً قرار ویرلدی .

محکمه تمیز حقوقیه دائره سنده صادر اولوب ۱۹ نموز ۳۳۱ تاریخنده قراره ربط اولنانه اعلیم صورنیر

« طرفیندن بریسی بیت المال اولدینی حالده مدعی عمومینک اثنای محاکمه ده بولندیرلماسی وکشف اسباب حکمدن اولادینی حالده کشف راپورینه بناءً مدعی علیک معارضه دن منعه قرار ویرلسی مخالف قانوندر »

دفتر خاقانی نظارتی ایله اونیه قه به سنک قلعه دره محله سنده مقیم سید اوغلی فرهاد بیننده متحدث دعوايه

دعوايه دائر اونیه قضاسی بدایت محکمه سندن ۱۷ شباط ۳۳۹ تاریخ و سکسان ایکی عددی ایله ویریلوب نظارت مذکور وکیلی طرفندن تمیزاً تدقیقی استدعا قلنان اعلام باش مدعی عمومینک مأموریت علیه سنک مطالعه نامه سی التقدن صکره یالکز مستدعینک اعتراض لایحه سیله بالمطالعه تدقیقات تمیزییه اجراسنه ابتدار قلندی .

اعلام مذکور مندرجاتنه نظراً مزبور فرهاد محکمه مذکوریه باعریخال مراجعتله برادری متوفی مرجاندن انتقالاً باطابو متصرف اولدینی محله مذکور حدودی داخنده اطراف اربعه سی بلال ویوسف ویول و اوتا زاده سلیمان ترلاری ایله محدود سکز دونم مقداری ایکی یوز الی غروش قیمتلو برقطعه اراضینک درت حصه اعتباریه اوچ حصه سنک محلولیتدن بختله طابو اداره سنجه موقع مزایده یه چیقارلمش اولدیغندن طابو مأموری حاجی یوسف اقدی طرفندن مذکور اراضیه وقوعبولان مداخله نك منعی طلب ودعوی وبرقطعه طابو سندی ابراز واعطا ایتمنسه قارشو مدعی علیه مأمور مومی الیه یوسف اقدی دخی منازع فیه اراضی اوتازه عزت وشرکاسنک بلا ولد وفات ایتلرینه مبنی محلولیتی اخبار اولمنسی اوزرینه کیفیت مجلس اداره قضاجه تحت قراره آلهرق محل مذکور مزایده یه چیقارلینی ومدعی طرفندن ابراز اولنان طابونک محل مذکور غیر شامل بولندینی بیانیه رد استدعاسنه قرار اعطاسنی طلب ودرمیان ایتسی اوزرینه اولباده طابو دائره سندن استعمال کیفیت اولندقدن صکره اجرا قلنان محاکمه وکشف وتدقیقات نتیجه سنده اراضی منازع فیه مدعی مرقومک بلا ولد وفات ایدن برادرندن اثرناً منتقل بولندینی اولباده مبرزطابومفادی و محلنده اجرا قلنان کشفی متضمن نائب واهل وقوف طرفندن معطی راپور وخریطه مندرجاتیه ثابت اولمنسه و محلولیتی ادعا ایدیلان اراضی منازع فیه اراضینک جوارنده باقی قالدینی نتیجه تحقیقاتدن آکلاشلمش بولنماسنه بناءً مجله نك بیك سکز یوز اون سکزننجی و اراضی قانوننك یکرمی برنجی ماده لری احکامنه توفیقاً مدعی مزبور فرهادک تحت تصرفنده اولدینی ثابت اولان مذکور سکز دونمک اراضیه مدعی علیه طابو کاتبی مومی الیهک واقع اولان معارضه ومداخله سنک منعیه اولباده کی مزایده نك فسخنه حکم وقرار ویرلدیکی آکلاشلمشدر .

مستدعی تمیز وکیلنک اعطا ایلدیکی لایحه اعتراضیه ده مرقوم فرهادک عندالحاکمه ابراز ایلدیکی طابو سندنده محرر حدودله محدود اولان محاکم بلا صاحب انتقال وفات ایدن قوقولازه حسن وسائر نامه مقید ایدوکی طابو اداره سندن مورد قید رسمی ایله ثابت ومبرز سنک بلا بینه مضمونیه عمل جائز اولان قیوددن عد ایدیلهمیه جکی درکار ایکن محکمه مذکورجه بوراسنک تأمل اولنماسی یولسز و مغایر قانون اولدیغندن بختله اعلام مذکورک نقضی طلب واستدعا اولمنش ومطالعه نامه مذکور مندجاتی دخی تعیین قلنان کشف نائینک وظیفه سی اجرای کشفه نظارتدن عبارت ایکن اولباده کی راپورده ذات مسئله حقنده رأی ومطالعه سنی کوسترر صورتده بیانندن صکره محکمه ده هیئت میاننده بولنه رق حکم وقرار اعطاسی مخالف قانون اولدینی بیانندن عبارت بولمشدر .

ایجابی مذاکره اولندقدنه هر نه قدر محکمه جه کیفیت بروجه محرر تحت حکمه النمش ایسه ده طرفیندن

بررسی بیت المال اولدینی حالد مدعی عمومینک اثنای محاکمه ده بولندیرلماسی رطاپودن وارد اولان جوابده محلول اولان اراضینک حدودی اولمق اوزره بلال ویوسف ویول و اوتازاده سلیمان یعنی مدعینک ابراز ایتدیکی سند خاقانینک حدودی اراؤه اولدینی ومدعی به عائد اولمق اوزره کوستریلان حدود بلال یوسف وقوقولاز اوغلی عزت یعنی مدعینک سندنده کی حدوده مخالف حدود کوستریلکی حالد بوجهنک دخی تدقیق ایدلماسی وکشف اسباب حکمدن اولدینی حالد تنظیم ایدیلان کسف راپورینه بناء مدعی علیک معارضه دن منعه قرار ویرلمسی وکشف نائی اعطا ایلدیکی تقریرنده رأیی احساس ایتش اولدینی حالد مؤخرأ محاکمه و حکمه اشتراک ایتدیرلمسی مخالف قانون اولدیغندن اصول محاکمه حقوقیه قانوننک ایکی یوز اوتوز ایکنجی وایکی یوز قرق برنجی ماده لری احکامنه توفیقاً اعلام مذکورک تفضیله قانون مزبورک ایکی یوز قرق دردنچی ماده سی موجبجه کیفیتک تکرار بالرؤیه اعلامه ربطی ضمننده محکمه مذکوریه اعاده سنه ومدعابه اراضینک قیمتی بشیوز غروشدن دون اولمسی حسابیه خرج تعرفه سنک ماده مذیله سی موجبجه مصارف تمیزی نهک تأجیل اولتان قسمیله استیفا قلذان قسمنک معطیسی کوسترلمش اولمغله بونلرک ایلروده حقسز چقه حق طرفه عائد اولسنه ۱۹ تموز ۳۳۰ تاریخنده متفقاً قرار ویرلای.

محکمہ تمیز استعداده سنده صادر اولوب ۲۳ مزیرانه ۳۳۱ تاریخنده قراره ربط اولتانه اعلام صورنیر:

محکمہ تمیز استعداده سنده صادر اولوب ۲۳ مزیرانه ۳۳۱ تاریخنده قراره ربط اولتانه اعلام صورنیر:

« جزای نقدینک حبسه تحویلی مجازات نقدیه بی حکم ایدن محکمه به عائددر »

درساعات بدایت محکمه سی برنجی جزا دائره سی ایله سینوب سنجانی بدایت محکمه سی جزا دائره سندن صادر اولان قرارلرک یکدیگرینه مبیانتدن ناشی تعیین مرجع دعوی طلبی حاوی درساعات بدایت محکمه سی مدعی عمومیلکی جانبندن معطی ۸ حزیران سنه ۳۳۱ تاریخلی استدعای نامه ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دائره سنه تودیع ایدلمکه قرائت اولندی .

اوراق موجوده مندرجاتنه نظراً فتح اه افندی حقنده قدحی متضمن مقاله نشر ایلسندن طولانی بش آلتون جزای نقدیه محکوم اولان مصطفی ذهنی افندینک جزای نقدی مذکورکی تسویه دن امتناع ایلسندن طولانی حبسه تحویلی دعوی اولنش ایسه ده سینوبده منی اولان مظنون علیک اقامتگاه حاضری سینوب سنجانی بولندینی آکلاشلدیغندن بحثله بوبابده محاکمه اجراسی لوای مذکور بدایت محکمه سی جزا دائره سنه عائد اولدیغنه درساعات بدایت محکمه سی برنجی جزا دائره سنجه قرار ویرلمش و سینوب محکمه سنجه دخی بوکی جزای نقدیلرک حبسه تحویلی حکمی ویرن محکمه به عائد بولندیغندن بحثله رؤیت دعوی وظیفه سی

خارجنده اولدینی تحت قراره آلتش اولسندن ناشی مقررات مذکوریه بیننده شووجه ایله حاصل اولان اختلافک تعیین مرجع صورتیه حلی طلب اولنش وتبلیغنامه ده دخی مظنون مرقومک جزای نقدی ایله محکومیتی درساعات بدایت محکمه سی طرفندن ویریلن قرار ایله تعیین ایتش و بوکی جزای نقدیلرک حبسه تحویلی حکمی ویرن محکمه به عائد بولنش اولدینی بیانیله درساعات بدایت محکمه سی طرفندن ویریلن قرارک رفی صورتیه اختلاف واقعک حلی طلب اولنشدر .

ایجاب کیفیت لدی المذاکره محکوم به جزای نقدینک حبسه تحویلی مجازات نقدیه بی حکم ایدن محکمه به عائد اولدیغندن اصول محاکمات جزائییه قانوننک درتیزون اون سکرنجی ماده سی موجبجه درساعات برنجی جزا محکمه سی قرارینک رفیله صورت مشروحه دائره سنده اکمال معامله اولتمق اوزره اوراق متعلقه سنک محکمه مذکوریه تودیعی ضمننده اعاده سنه ۲۳ حزیران سنه ۳۳۱ تاریخنده متفقاً قرار ویرلای .

محکمہ تمیز استعداده سنده صادر اولوب ۲۴ مزیرانه ۳۳۱ تاریخنده قراره ربط اولتانه اعلام صورنیر:

« صلح محکمه لری انجق منتهاسی بر سنه حبس و طقسان لیرا جزای نقدی بی

استلزام ایدن جرائمه متدائر دعاوی بی رؤیت صلاحیتدار اولدیلرندن طقسان لیرادن

زیاده جزای نقدی بی ایجاب ایده بیله جک اورمان دعوالرینی رؤیت ایده منزلر . »

یوزغاد و استیناف محکمه سی جزا دائره سندن صادر اولان ۱۹ نیسان ۳۳۱ تاریخلی اعلامک تمیزیی مستدعی اورمان اداره سی طرفندن ویریلن استدعا نامه ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دائره سنه تودیع قلمش ولدی التدقیق مذکور استدعا نامه نک مدت مفعیه قانونیه سی ظرفنده ویرلیدیکی آکلاشلمش اولمغله بالقبول تدقیقات تمیزییه اجراسنه ابتدار اولندی .

اعلام مذکورک خلاصه مالی میری اورمانسندن اشجار ممنوعه قطع ایلدیکی ادعا اولتان چولاق مصطفی نک بتمش بش غروش جزای نقدی ایله محکومیتنه دائر صلح صقیله صادر اولان اعلام علیه مرقوم طرفندن وقوع بولان استیناف دعوی اوزینه اعلامک تاریخ صدوریه ایله تبلیغی آره سنده اوچ ماهی متجاوز برمدنک مرور ایلدیکی آکلاشلمسنه مبنی اورمان نظامنامه سنک اوتوز برنجی ماده سی موجبجه دعاوی واقعنهک مرور زماندن ناشی عدم استماعنه قرار ویریلدیکنی متضمندر .

تمیز استدعا نامه سنده اورمان اداره سنه متعلق دعاوینک محاکم نظامیه جه حل وفصلی لازم کلدیکی حالدله بدایه صلح صقیله رؤیت وتحت حکمه آلتش اولسنگ و مرور زمانه اساس اوله حق مدتک دخی ۲۱ تشرین ثانی ۳۲۹ تاریخنده بالتعذیل برسنه به ابلاغ ایدلمش اولدینی حالد محکمه استنافیه جه بوراسنگ دخی نظره آلتیه رق بروجه محرر اعطای حکم اولتمسنگ مغایرت قانونیه سندن بحثله اعلام استینافینک نقضی استدعا ایلدیکی کی تبلیغنامه ده دخی اعتراضات مسرووره نک وارد وبجا بولندینی بیانیله اعلام مذکورک نقضی طلب ایدلمشدر .

ایجاب کیفیت لدی المذاکره اورمان تخریباتنه متعلق مواد جرمیه دن دولای اومان نظامنامه سی احکامنه توفیقاً تحت حکمه آله حق جزای نقدینک مقداری قطعیات و تخریباتک درجه سینه کوره طفسان لیرای تجاوز ایده بیله جکته کوره مواد مذکوره یه متعلق دعاوینک حل و تدقیق آنحق لغامات خصوصیه ده منتهاسی بر سینه حبسی و طفسان لیرا جزای نقدی ایجاب ایدن جرائمه متدائر دعاوی نی رؤیته صلاحیتدار بولنان محاکم صلیحه نک قانون مخصوصه تحدید ایدیلن وظائفندن خارج اولسنه نظراً اولبابده کی حکم ابتدائینک عدالاستیناف وظیفه نقطه سندن فسخیه ایشک مجرای قانونیسنه ارجاعی مقتضی ایکن بوجهت نظر دفته آنقصرین بر منوال محرر اتخاذ قرار اولنسی یولسر و مغایر اصول و قانون اولمغله اصول محاکمات جزائییه قانوننک اوچوز اون درنجی و اوچوز اون طوزنجی ماده لری موجبجه اعلام تمیز بهک تفضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره یه اعاده سینه و ایکوز غروش اعلام خرجنک تعرفه و تعلیمات مخصوصه سینه توفیقاً ایلروده حقسر چیغه حق طرفندن آنسنه ۲۴ حیران ۳۳۱ تاریخده متفقاً قرار ویرلدی .

محکمہ تمیز استعداده سنده صادر اولوب ۲۸ ضربانه ۳۳۱ تاریخده قراره ربط اولنانه اعلام صورته:

« ساخته علم و خبره مستنداً بیع مال جرمنده خلاف حقیقت علم و خبر استعمالی کیفیتنک محکمه استینافه اعظم جرم اعتبار ایدلسی، مابه التطبيق اولان یوزاللی بشنجی ماده قانونیه ذیل ثانیسنک نشردن مقدم اولدینندن مخالف قانوندر. »

ایدین ولایتی مرکز بدایت محکمه سی برنجی جزا اداره سندن استینافاً تنظیم و اعطا قلنان ۲۲ نیسان ۳۳۱ تاریخ وایکی یوز یتش ایکی نومرولی اعلامک تمیزاً تدقیقی مستدعی یوسف اوغلی محمد طرفندن ویریلن استدعانامه و اوراق متفرعه سی باش مدعی عمومیلک مأموریت علیه سندن با تبلیغنامه محکمه تمیز استدعا دائره سینه تودیع اولنمش ولدی التدقیق مذکور استدعانامه نک مدت قانونیه سی ظرفده اعطا و شرائط لازمه سائر سنک دخی ایفا قلندینی آکلاشملش ایدوکنندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی مصطفانک بر رأس استرینی سرقت و خلاف حقیقت شهادتنامه تنظیم ایلک صورتیه ساخته کارلغه جرأت ایلدکری ادا اولنان مستدعی مرقوم محمد ایله مختار حسن چاوشک تحدید جزالینه دائر بدایه لاحق اولان حکمک عدالاستیناف فسخیه اولبابده اجرا قلنان محاکمه و تدقیقات نتیجه سنده مظلون مرقوم محمد مدعی مصطفانک بر رأس استرینی سرقت ایدرک مذکور استر کندیسنک مالی اولدیننه دائر وفاتی حبسیله حقوق عمومیه دعواسنک سقوطنه قرار ویریلن مرقوم حسن چاوشدن استحصال ایتدیکی خلاف حقیقت شهادتنامه یی استعمال ایله مذکور استری صاتیغنی ثابت اولمش و فعل سرقت اوچوز یکریمی بش سینه سنده وقوعبولسی حبسیله فعل مذکورک سبب شدت عدلیه شهادتنامه یی استعمالندن

طولای قانونی جزانک یوز الی بشنجی ماده سنک ذیل ثانیسی حکمنه توفیقاً یدی ماه مدته حبسنه قرار ویرلدیکنی متضمندر .

لایحه تمیزیه ده مدعا به استری شقی مشهور چاقرجه لینک جبر و تهدید یه بناءً صاتیوردیکنی اثبات ایده جکته دائر اولان مدافعانک نظر اعتباره التامسی مغایر قانون ایدوکنندن بخله اعلام استینافینک نقضی استدعا اولنمش و تبلیغنامه ده دخی مظلون مرقومه اسناد اولنان افعالی سرقت ایلدیکی ادا اولنان حیوانی قریه مختارندن استحصال ایلدیکی ساخته علم و خبره مستنداً کندی مالی دییه فروخت ایلسندن عبارت اولوب شو صورتله خلاف حقیقت علم و خبر استعمالی کیفیتنک محکمه استینافیه جه اعظم جرم اعتباریه تطبیق فعل اولنسان یوز الی بشنجی ماده قانونیه ذیل ثانیسنک نشردن مقدم یولنمش اولدینی نظر دفته التامیه رق ماده مذکوره یه توفیقاً تعیین مجازات اولنسنده اصابت قانونیه کوریه مامش اولمغله اعلام مذکورک نقضی طلب اولنمشدر .

ایجاب کیفیت لدی المذاکره محکمه استینافیه جه اعظم جرم عد اولنان فعل مذکورک مابه التطبيق اتخاذ اولنان قانون جزانک یوزاللی بشنجی ماده سی ذیل ثانیسنک نشردن مقدم بولنسی کیفیتنک نظر دفته التامیه رق مظلون علیه مرقومک ذکر اولنان ذیل ثانی موجبجه بروجه محرر تحدید جزاسی یولنده اتخاذ اولنان قرارده تطبیق قانونی نقطه سنجه اصابت کوریه مامش اولمغله اصول محاکمات جزائییه قانوننک اوچوز اون درنجی و اوچوز اون طقوزنجی ماده لری منطوقجه اعلام میز بهک بو سبیدن تفضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره یه اعاده سینه و ایکوز غروش اعلام خرجنک ایلروده حقسر چیغه حق طرفندن اخذینه ۲۸ حیران ۳۳۱ تاریخده متفقاً قرار ویرلدی .

محکمہ تمیز جزا دائره سنده صادر اولوب ۲۷ ضربانه ۳۳۱ تاریخ ۱۷۳۶ نومرولی اعلام صورته:

« جبراً قیز قاچیره رق ازاله بکر دعواسنده مدعیه نک سن مسأله سی حل ایدلک لازمدر »

قونییه ولایتی استیناف محکمه سی جزا دائره سندن صادر اولان ۱۷ ربیع الاخر ۳۳۳ و ۱۸ شباط ۳۳۰ تاریخلی و اوچوز اوتوز ایکی نومرولی اعلام ایله اوراق متفرعه سی باش مدعی عمومیلک مأموریت علیه سندن ۱۳ شعبان ۳۳۳ و ۱۳ حیران ۳۳۱ تاریخلی و بیک ایکوز التمش بیش نومرولی تبلیغنامه ایله ۱۸ حیران ۳۳۱ تاریخده محکمه تمیز جزا دائره سینه اعطا قلنمشدر .

اعلام مذکورک خلاصه مندرجاتی اوچوز یکریمی طقوز سنه سی مارتنک یکریمی برنجی کونی قرمان قضا سنک مورجلی قریه سندن عبدیل اوغلی حاجی مصطفی کریمه سی کذبانی جبراً قاچیره رق فعل شنیع اجراسیله بکرینی ازاله ایلدکری ادا قلنسنندن طولای جنایتله اتهام اولنان قریه مذکوره دن عارف بن منلا

محمد ودورمش علي بن محمود و محمد امين بن علي و مصطفى بن مصطفى و محمد بن مصطفى انك اجرا قلنان محاکمه لری نتیجه سنده متهمون مرقوموندن عارفك اون اوچ ياشنده بولان مزبورده كذبانی جبراً قاپيره رق فعل شنيع اجرا سيله بکړینی ازاله ایلدیکی ثابت اولدیغندن مجریمته وحرکتته توافقی ایدن قانون جزانك ایکیوزالتنجی ماده سنه توفیقاً اون سنه مدته کورکه قونلشنه و دیگر متهملرک برائت لری نه ۲۴ شباط ۳۲۹ تاریخنده حکم اولدیغندن عبارتدر .

ذکر اولنان تبلیغنامه ده دخی دعوای مذکورده نك صورت جریان محاکمه سيله قانونه تطبیق حقنده اعتراضه محل کوریه مدیکندن بخله اعلام مذکورک تصدیق طلب اولمشدر .

اوراق دعوانك مطالعه سندن صکره حکم جائیدن طولانی تدقیقات تمیزیه اجرا اولندقدده تبلیغنامه ده اعلامك تصدیق طلب اولندقدده ایسه ده ۲۳ ایلول ۳۲۹ تاریخلی جلسه محاکمه ده مدعیه كذبانك اون یدی یاشنده اولدیغی اثبات ایدیه جکی درمیان ایدلشنه و مزبورده اون الی یاشنده بولدیغی سولشنه نظراً سن مسئله سنك تحقیق وحلی لازم کلسنه بناءً اول امرده بوجهتی اثبات ايلك اوزره ۹ تشرین ثانی ۳۲۹ تاریخنه تعلیق محاکمه یه و ۹ تشرین ثانی ۳۲۹ تاریخلی جلسه ده دخی نکاح حقنده کی اعلام شرعینك مزبورده تبلیغ ایدیلوب ایدلدیکنك و تبلیغ ایدلش ایسه سنك تعیینی ايله ادعا اولدیغی وجهله اون یدی یاشنده ایسه کندوسنك دكسه ابوینك دعوان فراعته ایدوب ایتدکارینك بالتحقیق طوتیه جق ضبط ورقه سنك ارسال خصوصنك قره مان بدایت محکمه سی ریاسته اشعارینه قرار ویرلش اولدیغی و محکمه مزبورده ریاستندن مبعوث ضبط ورقه سنده لدی السؤل مزبورده نك ستنی بیله میه جکنی بیان ایلدیکندن بشقه سن حقنده برکونه تحقیقات وایضاحات غیر موجود بولدیغی حالده مزبورده نك اون یدی یاشنده اولدیغنه دائر اداره مضبطه سی کورتوریه جکی وکیل مدافع طرفندن بیان ایدلش اولشنه رغماً متهمله وکیل مدافندن قرار سابق وجهله وثیقه ثبوتیه طلب ونده سن حقنده بشقه جه تحقیقات و تدقیقات اجرا ایدلمکسزین محاکمه یه ختام ویرلشی و بویولده تکلیفات و تدقیقاتك عدم اجراسنی موجب اسباب کوسترلمکسزین قرار مجرمینك اتخاذ و حکمك اعطا اولمش یولسز و مخالف قانون اولدیغندن اصول محاکمات جزائییه قانوننك اوچیز اون دردنجی ماده سنه توفیقاً حکم مذکورک نقضه و احکام قانونیه دائره سنده ایفای معامله اولنق اوزره اوراقك محله اعاده سنه و ایکیز غروش اعلام خرجنك ایلروده حقسز حقیقه جق طرفدن تحصیلنه ۲۱ حزیران ۳۳۱ تاریخنده مجلس متفقاً قرار ویرلدی .

حکمۀ تمیز جزا دائره سنده صادر اولده ۳۰ حزیرانه ۳۳۱ تاریخلی ۱۷۷۶ نومرولو اعلام صورته در :

« معلولیت دائمی استلزام ایدن جرحك آلت ناریه ايله ایقاع ایدلشنه کوره قصد قتله مقارن اولوب اولمادیغی حقنده تدقیقات ایفای لازمدر . »

قسطمونی ولایتی استیناف محکمه سی جزا دائره سندن صادر اولان ۱۹ جمادی الاخر سنه ۳۳۳ و ۲۵

نیسان سنه ۳۳۱ تاریخلی و اوچیز یدی نومرولی اعلام ايله اوراق متفرعه سی باش مدعی عمومیلک مأموریت علیسندن ۲۱ شعبان سنه ۳۳۳ و ۲۱ حزیران سنه ۳۳۱ تاریخلی و بیک اوچیز اون نومرولی تبلیغنامه ايله ۲۳ حزیران سنه ۳۳۱ تاریخنده محکمه تمیز جزا دائره سنه تودیع قانمشدر .

اعلام مذکورک خلاصه مالی اوچیز یکریمی طقوز سنه سی تشرین اولی طرفنده طوسییه نك دره محله سندن آقان اوغلی محمدی معلولیت دائمی اتاج ایدیه جك صورتده قورشونله جرح ایلدیکی ادعاسیله جنایتله اتهام اولنان مسلم جدید محله سندن قره محمد بن مصطفى نك اجرا قلنان محاکمه سی نتیجه سنده متهم مرقومك مشتکی محمدی روولور قورشونیه جرح ایدرک معلولیت دائمه سنه سبیت ویردیکی ثابت اولدیغندن اولوجهله مجریمته وحرکتته توافقی ایدن قانون جزانك یوزیتش یدنجی ماده سنه توفیقاً بش سنه مدته کورکه قونلشنه ۲۴ کانون ثانی سنه ۳۳۰ تاریخنده حکم اولدیغندن عبارتدر .

ذکر اولنان تبلیغنامه ده دخی مرقومك حرکت مثبتی روولور قورشونیه محمدی کوکسندن جرح ایدرک معلولیتنه سبیت ویرمکدن عبارت اولوب هیئت صحیه دن آلتان صوك و قطعی راپورده صدرنده کی جرحه مهله نك حیاتی دائمی صورتده تهله کده بولندیره جنی مسطور بولشنه و جریحه یی حصوله کترین سلاحك قتله مقتضی آلات ناریه دن اوله رق تهله کی و نازك بر موضعه مکرراً انداخت ایدلش اولشنه نظراً فعل مدعا بهك قتل قصدینه اقترا نی نقطه سنه اماله نكاه دقت اوله رق اکا کوره اسباب موجب سر دیله اتخاذ رأی و قرار اولمش لزومه قارشو ضرب و جرح عادی دن متولد معلولیت صورتنده توصیف فعل ایله یوزیتش یدنجی ماده قانونیه یه توفیقاً تعیین مجازات ایدلشی یولسز و مغایر قانون بولنش اولدیغی بیانیله اعلام مذکورک نقضی طلب اولمشدر . اوراق دعوی بعدالمطالعه تدقیقات تمیزیه اجرا اولندقدده معلولیت دائمی استلزام ایدن جرح واقعك آلت ناریه ايله ایقاع ایدلشنه کوره قصد قتله مقارن اولوب اولمادیغی حقنده تدقیقات مقتضیه ایفا واکا کوره اسباب موجب بیانیله اتخاذ قرار اولنق لازم کلیرکن اشولوزوم قانونی به رعایت اولنماش و تبلیغنامه ده سرد اولنان اعتراض بو طریقله وارد و بجا کورلش اولغله اصول محاکمات جزائییه قانوننك اوچیز اون دردنجی ماده سنه توفیقاً اعلام مذکورک نقضه و احکام قانونیه دائره سنده ایفای معامله اولنق اوزره اوراقك محله اعاده سنه و ایکیز غروش نقض خرجنك ایلروده حقسز حقیقه جق طرفدن تحصیلنه ۲۴ حزیران سنه ۳۳۱ تاریخنده اکثریتله قرار ویرلدی .

حکمۀ تمیز جزا دائره سنده صادر اولده ۳۰ حزیرانه ۳۳۱ تاریخلی ۱۷۸۲ نومرولو اعلام صورته در :

« مقتوله نك معایه طبیعه سی نتیجه سنده جسدینك تفسیخه مبنی سبب وفاتی تعیین ایدمه سنه و عقب وقعه ده اجرا قلنان کشفی متضمن ضبط ورقه سنده جرمك اوصافی محرر بولنش اولشنه نظراً بوجهتلك اطبا یه تبلیغ ايله مطالعه فنیه لرینك استفساری لازمدر . »

سیواس ولایتی استناف محکمه سی جزا دائره سندن صادر اولان ۲۲ نیسان ۳۳۱ تاریخلی و او تونوز سکر

نومرولی اعلام ایله اوراق متفرعه باش مدعی عمومیلک مأموریت علیه سندن ۲۱ شعبان ۳۳۳ و ۲۱ حزیران ۳۳۱ تاریخی و بیك اوچوز یکریمی اوچ نومرولی تبلیغنامه ایله ۲۴ حزیران ۳۳۱ تاریخده محکمه تمیز جزا دائره سینه اعطا قلمشدر .

اعلام مذکورک خلاصه مالی یلدرز ایلنک یکی خان قصبه سنک راشد محله سنده شریفه نك کیفیت قتلندن طولای جنایتله اتهام اولان قره قیا قریه سندن بوزوقلی اوغلی مصطفا نك اجرا قلنان محاکمه نتیجه سنده مته مرقومک زوجیه سی مذکوریه ضرب ایدرک متأثره وفاته سبب اولدینی ثابت اولدیغندن اولوجهله مجرمیتنه وحرکتنه توافق ایدن قانون جزانک یوزتمش دردنجی ماده سنک فقره اخیره سینه توفیقاً بش سینه مدته کورکه قولسنه ۲۶ مارت ۳۳۱ تاریخده حکم اولدیغندن عبارتدر .

اوراق دعوانک مطالعه سندن صکره تدقیقات تمیز به اجرا اولندقدن تبلیغنامه ده دخی بیان اولدینی اوزره مزبور شریفه نك اجرا قلنان معاینه طیه سی نتیجه سنده جسدینک نفسخه مبنی سبب وفاتی تعین ایده مامش وعقیب وقعه ده اجرا قلنان کشفی متضمن ضبط ورقه سنده مزبور نك وجودنده کوریلان جروحانک اوصافی محرر بولنش اولسنه نظراً بوجهتک اطبایه تبلیغی ایله مطالعات فیه لرینک استفساری و قتل مذکور حقه ده مشهوداً معلوماتی اولدینی اوراق دعوانک مطالعه سندن آکلاشیلان مزبور نك چوجنک معلوماتنه مراجعت اولنسی و وقعه قتل کلیاً انکار ایلین مته مرقومک زاندارمه قره غولنه کندیلکندن تسلیم نفس ایلدیکی ضبط ورقه سنده مندرج اولسنه نظراً بوجهتک مته مرقومه تفهیمی ایله اشبو تسلیم نفس قضیه سنک سببی اوزرینه استجوابی و تسلیم نفس حقه ده محکمه نك قراردنده بیان اولنان صورتک بر اساس تحقیقه ابتناسی ایچون اول زمان قره غول خانه ده بولنان بولنان زاندارمه لرک معلوماتلرینک اخذی صورتیه تعمیق تحقیقات اولنسی لازمکلیر ایکن ذهول ایدنش اولنسی مخالف قانون و مستلزم نقض احوال دن اولغله اصول محاکمات جزائییه قانوننک اوچوز اون درنجی ماده سینه توفیقاً اعلام مذکورک نقضه و احکام قانونیه دائره سنده ایفای معامله اولنق اوزره اوراقنک محله اعاده سینه و ایکوز غروش اعلام خرجنک ایلروده حق سز چیه جق طرفدن تحصیلنه ۲۵ حزیران تاریخده متفقاً قرار ویرلدی .

محکمہ تمیز جزا دائره سنده صادر اولانه ۹ تموز ۳۳۱ تاریخ ۱۸۴۷ نومرولی اعلام صورتیدر :

« حکم غیابی اولدیغندن اولبایده تمیز دعوی خصوصی اصول محاکمات جزائییه قانوننک اوچوزتمش طقوزنجی ماده سی موجبنه باش مدعی عمومیلکه عائد اولوب محلی مدعی عمومیسنک صلاحیتی خارجنده در . »

اوچوز یکریمی طقوز سنه سی ایلونک اون یدنجی کونی کونانک صاری ناحیه سنک اورته محله سندن حاجی احمد اوغلی و لیشانی قتل قصدیه جرح ایلدیکی ادعا قلمسندن طولای جنایتله اتهام اولنان چرکس بکی دره

قریه سندن حاجی محمود اوغلی نظام الدینک غیاباً اجرا قلنان محاکمه سی نتیجه سنده مته مرقومک قتل قصدیه جرح ملنه جرأتی ثابت اولغله مجرمیتنه و قانون جزانک قرق النجی و یوزتمش دردنجی ماده لری احکامنه توفیقاً تعین اولنان اون بش سینه کورک جزاسنک نصفی اولان یدی بچق سینه مدته کورکه قولسنه ۱۸ کانون اول ۳۳۰ تاریخده غیاباً حکم اولندیغنه دائر قره سی سنجانی بدایت محکمه سی جزا دائره سندن صادر اولان ۱۸ کانون اول ۳۳۰ تاریخی و ایکوز نومرولی اعلامک تمیزاً تدقیق حقه ده محکمه مذکور مدعی عمومیلکندن معطی استدعا نامه ایله متفرعاتی باش مدعی عمومیلک مأموریت علیه سندن ۲۷ نیسان ۳۳۳ و ۲۷ حزیران ۳۳۱ تاریخی و بیك اوچوز یتش یدی نومرولی تبلیغنامه ایله ۲۹ حزیران ۳۳۱ تاریخده محکمه تمیز جزا دائره سینه اعطا قلمغله بالمطالع ذکر اولنان تبلیغنامه ده شاهدلرک افادات مضبوطه لرینک قرائتیه اکتفا اولنه بیلنسی حقه ده کی احکام قانونیه شهود مرقومه نك محکمه نك دائره قضای خارجنده بولنملری و یا جلب واستماع لری معذر اولنسی کی احواله منحصر اولوب بنابرین دعوای حاضرده حقوق عمومیه شهودینک افاده لرینک قرائتیه اکتفا اولنسی نه کی اسبابه مستند اولدینی حقه ده اسباب موجبیه بیانیه اتخاذ قرار اولنق اقتضا ایتدیکی حالده مجرد ایکوز الی سکنزنجی ماده قانونیه معدله نك حاکمه ویردیکی صلاحیتدن بخله شاهدلرک جلبندن صرف نظر ایدنسی یولسز و مغایر قانون بولنش و خصوص مذکور متعلق اولان لایحه مندرجاتی وارد کورنش اولدینی بیانیه اعلام مذکورک نفی طلب اولنقدن ایسه ده حکم مذکورک غیابی اولنسی اعتباریه اولبایده تمیز دعوی خصوصی اصول محاکمات جزائییه قانوننک اوچوزتمش طقوزنجی ماده سنده مصرح اولدینی اوزره باش مدعی عمومیلک مأموریت علیه سینه عائد اولوب محلی مدعی عمومیسنک صلاحیتی خارجنده بولنش و مأموریت مشار الیه اندن ماده مذکور موجبنه تمیز دعوی وقعه کلامش اولغله تدقیقات تمیزیه اجراسنه مساع قانونی کوریه مدیکندن مذکور تمیز استدعاسنک ردینه ۳۰ حزیران ۳۳۱ تاریخده متفقاً قرار ویرلدی .

محکمہ تمیز جزا دائره سنده صادر اولانه ۲۰ تموز ۳۳۱ تاریخ ۱۸۲۴ نومرولی اعلام صورتیدر :

« مجروحک افاده مضبوطه سی جرحک قتل قصدیه ایقاع ایدله دیکنی کوستر صورتده اولدینی حالده متهملرک جرح واقعی قتل قصدیه ایقاع ایلدک لرینک و قتلک حصوله حیولت ایدن اسباب و تفصیلات ثبوتیه نك کوسترله سی مخالف قانوندر . »

قیصریه سنجانی بدایت محکمه سی جزا دائره سندن تنظیم و اعطا قلنان ۲۲ جمادی الاخره ۳۳۳ و ۲۳ نیسان ۳۳۱ تاریخی و یوز یکریمی اوچ نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۳ شعبان ۳۳۳ و ۲۳ حزیران ۳۳۱ تاریخی و بیك اوچوز یکریمی ایکی نومرولی تبلیغنامه ایله ۲۴ حزیران ۳۳۱ تاریخده محکمه تمیز جزا دائره سینه تودیع ایدلمکله مطالعه قلندی .

اعلام مذکورک خلاصه مآلی : قیصرینک بک دکرمنی قریه سندن مهاجر محمد زوجہ سی حنیفہ بی جبراً قاجیروب فعل شیع اجرا وحسین ورفقاسنک اثنای راہدہ اوکریہ کچہرک مرقوم حسینی قتل قصدیہ جرح وقریہ مذکورہ مسافرة مقیم ساهزمیہ قریہ لی رشدی بی قید و بندلہ نقودینی غضب ایلدکری ادا قلمسندن دولای جنایتلہ اتهام اولنان ساهزمیہ قریہ لی قفی اوغلی حمدی وقرہ حسن اوغلی حسین چاوش و حسن حسین واحمد افندی اوغلی حسین وشعبان اوغلی عمر وعیسی اوغلی محمد وملازم اوغلی حسن ومحمد عزیز ومحمد اوغلی عثمان ومهاجر محمدک وجاہاً وغیباً اجرا قلنان محاکمہ لری نتیجہ سنده متہمون مرقوموندن موقوف عثمان وعزیزک حسینی قتل قصدیہ جرح ایتدکری وفراری حمدی وحسین چاوش وحسن حسین وحسن وعمر ومحمد وحسنک دہ صاحب زوج اولان مزبورہ بی جبراً قالدیردقلمری ثابت اولمخلہ اولوجہلہ بحریتلرینہ وموقوف عثمانلہ عزیزک قانون جزانک یوز یتیش دردنجی وقرق التنجی مادہ لرینہ توفیقاً مستحق اولدقلمری اون بشر سنہ کورک جزاسنک نصفی اولان یدیشر بحق سنہ مدتلہ کورک قونلرینہ وانحق بونلردن عثمانک حین ایقاع جرمدہ اون سکر یاشنی اکمال ایتدیکی جہتلہ قرقنجی مادہ قانونیہ تطبیقاً مدت محکومہ سنک نصفی اولان اوچ سنہ طقوزآی مدتلہ حبسنہ تحویلنہ وفراریلرک قانون مذکورک ایکی یوز التنجی مادہ سنہ توفیقاً بشر سنہ مدتلہ کورک قونلرینہ ومهاجر محمدک برائتہ ۱۹ کانون ثانی ۳۳۰ تاریخندہ حکم اولندیغندن عبارتدر .

تبلیغنامہ دہ دخی قتل قصدیہ جرح فعلندن ناشی محکوم ایدیلن عثمانلہ عزیز حقلرندہ تحصیل ایدن باشلوجہ اسباب ثبوتیہ افادہ استنطاقیہ سی قرائت ایدیلان عبداللہک افادہ سنہ منحصر اولوب حالوکہ مجروح مرقوم احمد افندی اوغلی حسین اثنای محاکمہ قرائت ایدلمش واستنطاقنامہ نک یدی وانی ولی ایدن صحائفندہ مضبوط بولنان افادہ سنده وقعہ نک صورت جریانی ویانندہ کیملرک بولندیغنی وجرحک اسبابی وکندیسنی مرقومانک اوندن ژاندارملرک تخلص ایلدکری بی بیان ایلش اولمسنہ نظراً افادہ مذکورہ اثنای محاکمہ قرائت ایدلمک ومندرجاتی دائرہ سنده مرقومان استجواب وتوسیعاً تحقیقات لازمه ایفا اولمق ومجروح مرقومدہ یالکز برعدد صاحبه جریحہ سی اولدینی طیب راپورندہ مذکور اولمسنہ نظراً فعل جرح مذکورده متہملردن ہر برینک درجہ دخل واشتراکی تعیین قلمق مقتضی ایکن ذہول اولمسی مخالف قانون اولدیغندن بحثلہ مرقومانہ عائد حکم وجاہیدہ نقضی طلب ایدلمشدر .

حکم وجاہی جنائیدن دولای تدقیقات تمیزیہ اجرا اولدقدہ تبلیغنامہ محتویاتی اعلام وضبطنامہ مندرجاتنہ نظراً تمامیلہ وارد وبجا اولدینی کی مجروح احمد افندی اوغلی حسینک افادہ مضبوطہ مذکورہ سی جرحک قتل قصدیہ ایقاع ایدلمدیکنی کوستریر بر صورتندہ اولدینی حالہ متہمان مرقومانک جرح واقعی قتل قصدیہ ایقاع ایلدکرینک وقتلک حصولہ حیولت ایدن احوالک اسباب وتفصیلات ثبوتیہ سنک کوسترلامسی ومتہمان مرقومان عزیز و عثمان مهاجر محمد ایلہ برلکدہ رشدی بی جبر وشدتلہ صویمق جرمیلہ دہ متہ

اولدقلمری حالہ بوجہت حقندہ کی قرارده یالکز مهاجر محمدک برائی کوستریلوب مرقومان عزیز و عثمانک مسکوت عنہ بر اقلملری دخی مخالف قانون بولنش اولدیغندن اصول محاکمات جزائیہ قانوننک اوچوز اون دردنجی مادہ سنہ توفیقاً حکم مذکورک نقضیلہ احکام قانونیہ دائرہ سنده ایفای معاملہ اولمق اوزرہ اوراقلک محلہ اعادہ سنہ وایکی یوزغروش اعلام خرجنک ایلرودہ حقسنز چیقہ جق طرفدن تحصیلنہ ۲۸ حزیران ۳۳۱ تاریخندہ متفقاً قرار ویرلدی .

مذرجات

ه اغ توس — ۱۳۳۱

قسم رسمي

مصفه
نومروسي

- | | | |
|----------------------------------|---|------------------------|
| قوانين ونظامات | (۱) — ۱۸ محرم ۳۳۳ تاريخي ضابطه صحت حيوانيہ
قانون موقتك بعض موادني معدل قانون | ۱۷ حيران ۳۳۱ ۶۸۹۱ |
| تليغات عموميه | (۱) — حاكم رئيساريه مدعي عموميلرينك غيبو.
بتارنده وكيل قانونيلرينه وكالت معاشي
وبرلمه مسي حقنده | ۲۷ تموز ۳۳۱ ۶۸۹۳ |
| » | (۲) شهود جزاي نقديلرينك دواثر اجراييه جه
تحصيل حقنده | ۲۸ » » ۶۸۹۳ |
| محكمه تميز هيئت عموميه سي مقراني | (۱) — استحقاق دعواسنده هيه وتمليك ادعاسي
اوزرينه ياپيلاجق معامله يه دائر | ۱۶ تشرين ثاني ۳۳۱ ۶۸۹۴ |

محكمة تميز حقوق دائره سى مقرراتى — (۱) وكالة عقد ايجارده مؤكلك عقدى كيمه
۶۸۹۶ ۳۳۱ تموز ۵ { اضافه ايله ديككنك لزوم تدقيقى حقنده

(۲) مدعاهيك وفاء مفروغيتى حقنده مدعى عليه
۶۸۹۸ » » ۲۵ { طرفندن واقع اولان اقرارك لزوم تدقيقه
داثر

محكمة تميز استند عا دائره سى مقرراتى — (۱) ژاندارمه افرادينك وظائف ملكيه لرينك
۶۹۰۰ ۳۳۱ حزيران ۲۵ { اثنای ايفاسنده ارتكاب ايله دككلى جرائم
حقنده

(۲) محكوم عايه غيايى نك تنزيل جزاسى حقنده ۶۹۰۱ » » ۲۸

(۳) فعل جرحده مقابله يى موجب حالك تقديرى
۶۹۰۲ ۳۳۱ تموز ۱۳ { هيئت اتهايه عائد اولمايوب دعوانك مرجع
رؤيتى اولان محكمه يه عائددر

(۴) رخصتنامه سز اوجاق كشاد ايدنلرك اوجاق-
۶۹۰۳ » » ۱۵ { لرينك ضبطى حقنده

محكمة تميز جزا دائره سى مقرراتى — (۱) صي نك حداثندن استفاده ايله ياپيلان
۶۹۰۴ » » ۱۴ { فعل شنيع حنده

(۲) مكرر جرم حقنده عفو قانونك نظر
۶۹۰۵ » » ۱۵ { اعتباره آلمسسه داثر

(۳) ياره نك صورت ايقاعنك تحققي حقنده ۶۹۰۶ » » ۱۵

(۴) ثبوت جرمه كافى قرائن وبر هيئتك قرارده
۶۹۰۷ » » ۱۵ { تصريحى لازمدر

(۵) متهمك افا ات استنطاقيه سنك تعريفات
۶۹۰۸ » » ۲۱ { قانونيه دائره سندده ضبط وتحرير وامضا
ايديلوب ايدله ديككنك تدقيقى حقنده

(۶) مجروح حقنده قطعى المفاد راپور اخذينه
۶۹۰۹ » » ۲۱ { داثر

(۷) ضبطنامه يى بولمايان اعضا ملازمك امضاسى
۶۹۱۰ » » ۲۱ { موافق اولمايغنه داثر

(۸) جرح فعلنك قتل قصدينه استنادينك
۶۹۱۱ » » ۲۱ { تحقيقه داثر